

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

RAKYAT LUAR BANDAR TURUT MENIKMATI MANFAAT HARGA RENDAH MELALUI PROGRAM JUALAN KELUARGA MALAYSIA YANG DIPERLUASKAN KE PARLIMEN KAPIT, SARAWAK

KAPIT, SARAWAK, 22 JANUARI 2022 – Sambutan pengguna dan peniaga amat menggalakkan di peringkat pertama pelaksanaan Program Jualan Keluarga Malaysia (PJKM) di seluruh Malaysia sejak ianya dilancarkan secara rasmi oleh YAB Dato' Sri Ismail Sabri bin Yaakob, Perdana Menteri Malaysia pada 2hb Disember 2021.

2. Maklumbalas Pengguna yang diterima rata-rata menyambut baik dan meminta PJKM ini dilaksanakan secara berkala dan mengakui bahawa harga barang-barang yang dijual dapat meringankan bebanan kos sara hidup rakyat dalam situasi harga barang yang dilaporkan telah meningkat.

3. **Sehingga 16 Januari 2022, seramai 607,366 pengunjung telah menghadiri PJKM di 394 lokasi seluruh negara dengan nilai jualan yang dicatatkan berjumlah lebih dari RM12.070 juta.**

4. Sehubungan dengan itu dan atas permintaan YAB Perdana Menteri sendiri yang mahukan rakyat pelbagai strata ekonomi turut mendapat manfaat, PJKM kini **diperluaskan meliputi kawasan-kawasan parlimen luar bandar** dan pada hujung minggu ini **rakyat Kapit, Sarawak turut sama menikmati barang-barang keperluan yang ditawarkan dengan harga sehingga 20% lebih murah daripada harga pasaran setempat.**

5. Pejabat Kementerian Perdagangan Dalam Negeri dan Hal Ehwal Pengguna Negeri Sarawak dan Cawangan Kapit dengan kerjasama

Pasaraya i-Mart akan mengadakan **PJKM Parlimen Kapit selama dua hari dari 22-23 Januari 2022 dari jam 8:00pagi hingga 2:00petang di Perkarangan Dewan Suarah, Kapit.**

6. PJKM menawarkan pilihan kepada pengguna untuk mendapatkan pelbagai barangan keperluan harian dengan harga berpatutan yang lebih murah antaranya Ayam, Ikan, Telur, Sayur-sayuran, Minyak masak, Gula, Tepung, Beras; dan Barangan Keperluan Rumah terpilih.

7. KPDNHEP menggalakkan orang ramai di sekitar DUN dalam Parlimen Kapit termasuk Bukit Goram, Katibas dan Pelagus untuk merebut peluang dua hari ini dalam merancang pembelian keperluan rumah dan seterusnya berjimat dari tawaran yang diberikan.

8. KPDNHEP mengingatkan kepada semua peniaga agar sentiasa beretika serta mematuhi peraturan dan undang-undang yang ditetapkan kerajaan. Kerajaan menyeru agar rakyat bersabar dan terus bersama kerajaan dalam waktu sukar yang luar biasa ini yang turut melanda dunia dan memberi kesan kepada rantai bekalan dunia dan negara.

9. Pegawai Penguatkuasa KPDNHEP akan terus melaksanakan pemantauan dan pemeriksaan bagi memastikan bekalan sentiasa stabil dan tiada elemen pencatutan dalam pasaran.

10. Untuk sebarang pertanyaan lanjut dan aduan, orang ramai boleh menyalurkan ke talian whatsapp di 019 279 4317, aplikasi ez-Adu atau melalui email ke aduan@kpdnhep.gov.my.

YB Dato Sri Alexander Nanta Linggi

Menteri Perdagangan Dalam Negeri dan Hal Ehwal Pengguna Negeri Kapit, 22 Januari 2022

####

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) ditubuhkan pada 27 Oktober 1990. Matlamat penubuhan kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidakpastian. Perdagangan pengedaran perlu kukuh bagi menampunkan sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkapi dan ke arah self-regulated, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusanniaga, dan hasilnya adalah negara yang seimbang dari segi ekonomi dan sosial.

Agensi-agensi di bawah KPDNHEP:



